

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2019/57, 02.08.2019թ.

Բողոք բերող անձ՝ «Ֆիլիշին» ՍՊԸ

Պատվիրատու՝ Երևանի քաղաքապետարան

Գնման ընթացակարգի ծածկագիրը՝ «ԵՔ-ԲՄԱՊՁԲ-19/16» բաց մրցույթ

Գնման առարկան՝ Վերելակների ձեռքբերում

Բողոքի պահանջը՝

1. «ԵՔ-ԲՄԱՊՁԲ-19/16» ծածկագրով՝ Երևանի քաղաքապետարանի կարիքների համար վերելակների ձեռքբերման նպատակով անցկացվող գնումներին մասնակցելու համար հայտի ներկայացման ժամկետի բացթողումը համարել հարգելի և Կազմակերպության հույսը համարել ընդունված:
2. Եթե բողոքը քննող անձը գտնի, որ առաջին պահանջը հնարավոր չէ բավարարել, ապա խնդրում ենք մրցույթն անվավեր ճանաչել Կազմակերպության կամքից անկախ պատճառներով մասնակցության անհնարինությամբ պայմանավորված:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Լ.ԱՆԱՆԻԿՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ Ֆինանսների նախարարություն
գնումների հետ կապված բողոք քննող անձին

Պատվիրատու՝ Երևանի քաղաքապետարան,
Հասցե՝ ք. Երևան – 0015, Արգիշտիի փող. 1

Գնման ծածկագիր՝ ԵՔ-ԲՄԱՊՁԲ-19/16
Երևանի քաղաքապետարանի կարիքների համար
վերելակների ձեռքբերման նպատակով,


<<ՖԻԼԻՇԻՆ>> ՍՊԸ ներկայացուցիչ՝
Փաստաբան Տիգրան Եգորյան
Փաստաբանական գործունեության արտոնագիր 1187
Անձն՝ AN0373047, տրված՝ 15.02.2013թ, 012-ի կողմից

Ծանուցման հասցե՝ ք. Երևան, Փ. Բուզանդի 101 շ., բն. 4
Էլ. փոստի հասցե՝ tigran.yegoryan@gmail.com
Հեռ.՝ 091 999 334, 094 991 334, 010 500 665

Բողոք

1. Փաստերի շարադրանք.

- 1.1. Սույն թվականի հուլիս 29-ին ժամը 11:00-ին պատվիրատու՝ Երևանի քաղաքապետարանի կողմից հայտարարված է եղել գնումների մրցույթին մասնակցելու հայտերի ընդունման վերջնաժամկետ՝ ԵՔ-ԲՄԱՊՁԲ-19/16 ծածկագրով՝ Երևանի քաղաքապետարանի կարիքների համար վերելակների ձեռքբերման նպատակով գնումների համար:
- 1.2. <<Ֆիլիշին>> ՍՊԸ-ն (հետայսու՝ Կազմակերպություն) ի դեմս իր ներկայացուցչի, սույն մրցույթին մասնակցելու նպատակով հայտ է կազմել և փորձել է կապ հաստատել ֆինանսների նախարարության հետ նաև 26.07.2019թ. սակայն ապարդյուն:
- 1.3. 29.07.2019թ. ժամը 09:37-ից սկսած մուտք է գործել armeps.am էլեկտրոնային կայքէջ, հայտը էլեկտրոնային եղանակով ներկայացնելու նպատակով:
- 1.4. Կայքը չի արձագանքել հրամաններին, չնայած, որ ինտերնետ հասանելիություն եղել է, ինչից հետո ժամը 09:50-ից սկսած ներկայացուցիչը սկսել է զանգահարել ՀՀ ֆինանսների նախարարություն՝ աջակցություն ստանալու խնդրով: /Ինտերնետային հասանելիության վերաբերյալ ապացույցները ներկայացուցչի համակարգչի ինտերնետային ծրագրի հիշողության ցանկի վերլուծությունից ստացված տվյալներն են և ինտերնետային օպերատորին կատարված հարցման պատասխանը/
- 1.5. Նախարարության հեռախոսահամարի զանգերը մնացել են անմատչելի և վերջինս շարունակել է կայքից օգտվելու անհաջող փորձերը հայտն էլեկտրոնային



եղանակով ներկայացնելու համար, մինչև ժամը 10:40: Միայն ժամը 10:43-ին է համապատասխան աշխատակիցը պատասխանել և 9 թույլանոց խոսակցության ընթացքում, ըստ էության չի օգնել ընկերության ներկայացուցչին, որպեսզի վերջինս կարողանա ուղարկել համապատասխան ֆայլերը: Հիշյալ «օգնությունը» կանխորոշված է եղել ի սկզբանե կատարված բարեվարքության շրջանակներից ակնհայտորեն դուրս հետևյալ արտահայտությամբ, թե՛ «...պետք է վունդերկինդ լինել, այս 10 թույլում հայտը ներկայացնելու համար ...»:

- 1.6. «armeps.am» կայքի տեխնիկական խնդիրների պատճառով և առավտից թե՛ գծի հեռախոսագանգերի անպատասխան մնալու (փաստորեն նախարարության աշխատակիցների անգործության) պատճառով ներկայացուցիչը գրկվել է խորհրդատվություն ստանալու հնարավորությունից:
- 1.7. Հայտն էլեկտրոնային եղանակով ներկայացնելու փորձերը շարունակվել են մինչև ժամը 12-ի սահմանները, սակայն ապարդյուն:
- 1.8. Հայտը ներկայացնելու փորձը կատարվել է մի քանի ներկայացուցիչների միջոցով և տարբեր համակարգիչներով:
- 1.9. Հեռախոսային խոսակցությունների ընթացքում ֆինանսների նախարարության աշխատակիցները «armeps.am» կայքի անհասանելիությունը փորձել են բացատրել ինտերնետ տրամադրող կազմակերպության խնդիրներով, սակայն այդ կազմակերպության աշխատակիցների պնդմամբ (մեր հարցմանն ի պատասխան) խնդիրն իրենց տրամադրած կապի հետ կապված չի եղել: Դա նաև ապացուցվում է այն հանգամանքով, որ փորձարկվել են հայաստանյան այլ կայքեր նա և հասանելիության խնդիր չի արձանագրվել: Ավելին, ֆինանսների նախարարության աշխատակիցները հիմնականում խորհրդատվություն էին տրամադրում այն հարցերի կապակցությամբ որոնք բավական մանրամասն նկարագրված են ուղեցույցում, սակայն կայքի հասանելիության ապահովմանն ուղղված և/կամ հայտի ներկայացման որևէ այլընտրանքային եղանակով ներկայացման ուղղությամբ որևէ գործուն քայլեր չեն ձեռնարկվել:
- 1.10. Այս ամենի արդյունքում <<Ֆիլիշին>> ՄՊԸ հայտը չի մուտքագրվել և որպես մասնակից ընկերությունը չի գրանցվել:
- 1.11. Այնուհետև, սպասված համարելով հայտն էլեկտրոնային եղանակով ներկայացնելու բոլոր հնարավորությունները, Կազմակերպության ներկայացուցիչը հայտը ներկայացրել է թղթային տարբերակով՝ առձեռն ՀՀ ֆինանսների նախարարություն:
- 1.12. Վերոգրյալից ակնհայտ է, որ Կազմակերպությունը «armeps.am» կայքի տեխնիկական խնդիրների պատճառով, ի հեճուկս ժամանակին ձեռնարկված միջոցների չի կարողացել ժամանակին ներկայացնել հայտը և հետևաբար հայցում է իր կամքից անկախ պատճառներով ժամկետի բացթողումը համարել հարգելի և իր հայտը ընդունված:

2. Իրավական հիմքերն ու հիմնավորումները

2.1. Սույն գանգատի իրավական հիմքերն են

- 2.2. ՀՀ Սահմանադրության 1-ին հոդվածի համաձայն «Հայաստանի Հանրապետությունն ... իրավական պետություն է:
- 2.3. ՀՀ Սահմանադրության 3-րդ հոդվածի համաձայն. « ... 2. Մարդու և քաղաքացու հիմնական իրավունքների և ազատությունների հարգումն ու պաշտպանությունը հանրային իշխանության պարտականություններն են: 3. Հանրային իշխանությունը սահմանափակված է մարդու և քաղաքացու հիմնական իրավունքներով և ազատություններով՝ որպես անմիջականորեն գործող իրավունք:
- 2.4. ՀՀ Սահմանադրության 11-րդ հոդվածի համաձայն. «Հայաստանի Հանրապետության տնտեսական կարգի հիմքը սոցիալական շուկայական տնտեսությունն է, որը հիմնված է մասնավոր սեփականության, տնտեսական գործունեության ազատության, ազատ տնտեսական մրցակցության վրա և պետական քաղաքականության միջոցով ուղղված է ընդհանուր տնտեսական բարեկեցությանը և սոցիալական արդարությանը:»
- 2.5. «Գնումների մասին» ՀՀ օրենքի 7-րդ հոդվածում գրված է, որ ցանկացած անձ, ունկոխի հրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:
Գնումների գործընթացին որևէ երկրի ռեզիդենտ հանդիսացող անձի (անձանց) մասնակցությունը կարող է սահմանափակվել միայն Հայաստանի Հանրապետության կառավարության որոշմամբ, եթե դա անհրաժեշտ է Հայաստանի Հանրապետության ազգային անվտանգության և պաշտպանության ապահովման համար:
- 2.6. Հաշվի առնելով ԵՔ-ԲՄԱՊՁԲ-19/16 ծածկագրով՝ Երևանի քաղաքապետարանի կարիքների համար կազմակերպված գնումների կարևոր նշանակությունը և այդ կարևորության գիտակցումը, մեր կողմից *առայժմ* բարձրացվում է ոչ թե գնումների գործընթացի անվավերության, այլ ընդամենը իրավունքի իրացման հարցը և հետևաբար մեր ներկայացրած հայտի ընդունման հարցը:
- 2.7. Այսպիսով խախտվել է բողոքաբերի՝ գնումների գործընթացին մասնակցելու օրենքով ամրագրված իրավունքը:

3. Պահանջը.

- 3.1. Հաշվի առնելով վերոգրյալը, խնդրում ենք ԵՔ-ԲՄԱՊՁԲ-19/16 ծածկագրով՝ Երևանի քաղաքապետարանի կարիքների համար վերելակների ձեռքբերման նպատակով անցկացվող գնումներին մասնակցելու համար հայտի ներկայացման ժամկետի բացթողումը համարել հարգելի և Կազմակերպության հայտը համարել ընդունված:
- 3.2. Եթե բողոքը քննող անձը գտնի որ առաջին պահանջը հնարավոր չէ բավարարել, ապա խնդրում ենք մրցույթն անվավեր ճանաչել Կազմակերպության կամքից անկախ պատճառներով մասնակցության անհնարինությամբ պայմանավորված:

4. Կից ներկայացվող փաստաթղթեր.

1. Բողոքաբերի պետական գրանցման վկայականի պատճենը,
2. Լիազորագրի և արտոնագրի պատճենը,
3. Պետական տուրքը վճարված լինելը հավաստող անդորրագրի պատճենը,
4. UCOM և Beeline ընկերություններ հղած՝ ինտերնետ հասանելիության վերաբերյալ հարցման պատասխանը կներկայացնենք հրնթացս,
5. <<Ֆիլիշին>> ՍՊԸ ներկայացուցչի հեռախոսահամարից ՀՀ ֆինանսների նախարարություն կատարված և անպատասխան մնացած զանգերի ցուցակը՝ հեռախոսի էկրանի արտատվածք:/կրիչով/
6. <<Ֆիլիշին>> ՍՊԸ ներկայացուցչի համակարգչի ինտերնատային ծրագրի պատմության պատճենը՝ «armeps.am» կայք մուտք գործելը հավաստելու համար:/կրիչով/
7. Հայտն առձեռն ներկայացնելու վերաբերյալ ապացույց:

Հարգանքով՝

<<Ֆիլիշին>> ՍՊԸ ներկայացուցիչ

Տիգրան Եգորյան՝

